



Predsjedavajući Gradskog vijeća dr. Igor Gavrić

Broj: 01-GV-02-819/18
Sarajevo, 06.07.2018. godine

Na osnovu člana 135. stav 1. Poslovnika Gradskog vijeća Grada Sarajeva („Službene novine Kantona Sarajevo“, broj 28/09), upućuje se Gradskom vijeću Grada Sarajeva

Inicijativa za davanje autentičnog tumačenja odredbe člana 13. stav 3. Odluke o platama i naknadama u organima Grada Sarajeva („Službene novine Kantona Sarajevo“, broj 38/17)

Naknada za rad članovima Odbora za dodjelu „Šestoaprilske nagrade Grada Sarajeva“ u 2018. godini, utvrđena Odlukom Administrativne komisije Gradskog vijeća o visini novčane naknade članovima Odbora za dodjelu „Šestoaprilske nagrade Grada Sarajeva“ u 2018. godini, broj: 02/1-GV-02-43-1.1/18, od 15.01.2018. godine, nije u cjelini isplaćena iako je Odbor završio sa radom u propisanom roku i podnio Izvještaj o svom radu Gradskom vijeću Grada Sarajeva.

Budući da se stavovi Administrativne komisije i Gradonačelnika o obavezi, odnosno nemogućnosti provođenja odluke Administrativne komisije Gradskog vijeća i dalje razilaze, Kolegij Gradskog vijeća je zauzeo stav da bi se problem mogao razriješiti davanjem autentičnog tumačenja predmetne odredbe gradskog propisa.

Takvo autentično tumačenje bi trebalo razjasniti primjenjuje li se predmetna odredba direktno i kod isplate naknade za rad članovima povremenog radnog tijela koje nije osnovano Poslovníkom Gradskog vijeća, već posebnom odlukom Gradskog vijeća, u skladu s iskazanom potrebom koju utvrđuje Gradsko vijeće.

Pri razmatranju inicijative, potrebno je imati u vidu činjenicu da povremena radna tijela razmatraju pitanja iz nadležnosti Gradskog vijeća koja nisu kontinuirano predmet rasprave ili odlučivanja Gradskog vijeća.

U prilogu je obrazloženje predložene inicijative.

PREDSJEDAVALJUĆI GRADSKOG VIJEĆA

Dr. Igor Gavrić, s.r.

Dostaviti:

- Komisiji za Statut i akte
- Administrativnoj komisiji
- Gradonačelniku
- evidenciji
- a/a



Obrazloženje

Članom 135. Poslovnika Gradskog vijeća Grada Sarajeva, između ostalog, uređeno je pravo predlaganja autentičnog tumačenja i definirano je da se prijedlog, odnosno inicijativa za davanje autentičnog tumačenja akata podnosi Predsjedavajućem Gradskog vijeća i mora da sadrži naziv akta i navodnje odredbe za koju se traži tumačenje, sa obrazloženjem.

U stavu 2. je propisano

„Autentično tumačenje je opći akt kojim se utvrđuje istinitost, vjerodostojnost, izvornost i pravilan smisao nedovoljno jasne odredbe akta“

Dalje je u članu 136. propisan postupak Komisije za Statut i akte po prijedlogu za autentično tumačenje.

U članu 137. je uređeno odlučivanje o utvrđenom prijedlogu za davanje autentičnog tumačenja odredbi akta Gradskog vijeća.

Razlozi za podnošenje inicijative

Članovi Odbora za dodjelu „Sestoaprilske nagrade Grada Sarajeva“ u 2018. godni kontinuirano izražavaju nezadovoljstvo i insistiraju da se izvrši uplata naknade za njihov rad u visini kako je to utvrdila Administrativna komisija.

Unatoč mišljenju sekretara Gradskog vijeća, formuliranog na zahtjev Gradonačelnika, u kome se navodi da ne postoje prepreke za isplatu utvrđene naknade kakve navodi pomoćnica Gradonačelnika za finansije, plaćanje u cjelini nije izvršeno.

Administrativna komisija Gradskog vijeća je također razmatrala problem, te je, uz ponovljen zahtjev da se postupi u skladu s Odlukom Administrativne komisije, podržala mišljenje sekretara Gradskog vijeća. Međutim, plaćanje nije izvršeno, a Administrativna komisija Gradskog vijeća nije informirana o aktu Gradonačelnika kojim je obustavljeno izvršavanje važeće Odluke Administrativne komisije Gradskog vijeća.

(U prilogu obrazloženja su spomenuto mišljenje pomoćnice Gradonačelnika za finansije i mišljenje sekretara Gradskog vijeća).

Uz dostavljena mišljenja, u ovom obrazloženju dalje su citirane odredbe gradskih propisa kojima se uređuju predmetna pitanja.

Odlukom o platama i naknadama u organima Grada Sarajeva („Službene novine Kantona Sarajevo“, broj 38/17), između ostalog, „... uređuju se: pravo, visina i uslovi za ostvarivanje novčane naknade za vršenje funkcije gradskog vijećnika i pravo na druge naknade za materijalne troškove koji nastanu u vršenju funkcije gradskog vijećnika, odnosno u vršenju dužnosti člana radnog tijela Gradskog vijeća za:

a) gradske vijećnike u Gradskom vijeću Grada Sarajeva (u daljnjem tekstu: Gradsko vijeće) za vrijeme vršenja vijećničke dužnosti;

b) članove radnih tijela Gradskog vijeća.“

Tako je u odredbi člana 13. stav 3. Odluke o platama i naknadama u organima Grada Sarajeva („Službene novine Kantona Sarajevo“, 38/17), za koju se traži autentično tumačenje propisano:

„Članovima radnih tijela Gradskog vijeća, utvrđuje se pravo na naknadu, tako što se osnovica za obračun plate, utvrđena u skladu sa Zakonom, množi sa koeficijentom 0.30, i to za najviše dvije sjednice mjesečno po radnom tijelu.“

Poslovnikom Gradskog vijeća Grada Sarajeva u Članu 37. (Radna tijela), između ostalog, propisano je:

„ (2) Stalna radna tijela se formiraju po oblastima iz djelokruga Grada Sarajeva i Gradskog vijeća te u pripremi sjednice Gradskog vijeća razmatraju dostavljene materijale, odnosno pripremaju prijedloge za Gradsko vijeće iz određene oblasti.

(3) **Povremena radna tijela razmatraju pitanja iz nadležnosti Gradskog vijeća koja nisu kontinuirano predmet rasprave ili odlučivanja Gradskog vijeća.**“

U Član 38. (Formiranje radnih tijela), između ostalog, propisano je:

(1) Stalna radna tijela se formiraju u skladu sa Statutom Grada Sarajeva, ovim Poslovnikom i na osnovu odluke Gradskog vijeća.

(2) **Povremena radna tijela se formiraju odlukom Gradskog vijeća, imaju stalno članstvo, a sastaju se po iskazanoj potrebi koju utvrđuje Gradsko vijeće.**

Također, u članu 49. (Administrativna komisija), između ostalog, propisano je da **Administrativna komisija „...utvrđuje visinu naknade troškova i posebne naknade za rad članovima radnih tijela Gradskog vijeća.**“

Odlukom o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, broj 03/17 i 49/17), u članu 11, između ostalog, utvrđeno je da **Gradsko vijeće svake godine obrazuje Odbor za dodjelu "Šestoaprilske nagrade Grada Sarajeva" koji čine članovi Komisije za izbor i imenovanje Gradskog vijeća i šest istaknutih javnih djelatnika iz oblasti za koje se Nagrada dodjeljuje.**

U članu 17. ove Odluke je propisno:

„Članovi Odbora imaju pravo na naknadu za svoj rad.

Visinu naknade iz stava 1. ovog člana, utvrđuje Administrativna komisija Gradskog vijeća.

U članu 18. ove odluke je određeno da se **sredstva „... za rad Odbora obezbjeđuju se u Budžetu Grada Sarajeva.**

Članom 3. i 8. Odluke, između ostalog je utvrđen vremenski okvir rada Odbora, tako što je određeno kada se objavljuje javni poziv za predlaganje kandidata i kada se uručuje Nagrada, iz čega proizlazi da Odbor u roku od oko mjesec dana mora razmotriti kandidature, utvrditi prijedloge i uputiti ih Gradskom vijeću na konačno odlučivanje.

Također, u članu 12. je utvrđeno da Odbor donosi Poslovnik o radu kojim se, između ostalog, uređuje način rada Odbora.

U članu 46. (Stalna radna tijela Gradskog vijeća) Poslovnika Gradskog vijeća propisana su stalna radna tijela Gradskog vijeća.

Odbor za dodjelu „Šestoaprilske nagrade grada Sarajeva“ u 2018. godini je Gradsko vijeće Grada Sarajeva je formiralo, svojom Odlukom o obrazovanju Odbora za dodjelu „Šestoaprilske nagrade Grada Sarajeva“ u 2018. godini, od 20. 12. 2017. godine („Službene novine Kantona Sarajevo“, broj 1/18).

Administrativna komisija je svojom Odlukom o visini novčane naknade članovima Odbora za dodjelu „Šestoaprilske nagrade Grada Sarajeva“ u 2018. godini, broj: 02/1-GV-02-43-1.1/18, od 15.01.2018. godine, utvrdila se visina i dinamika isplate novčane naknade članovima Odbora kako slijedi.

„ Novčana naknada članu Odbora za dodjelu „Šestoaprilske nagrade Grada Sarajeva” u 2018. godini utvrđuje se u visini kako je to propisano za člana radnog tijela u Gradskom vijeću, a isplaćuje se za svaku sjednicu Odbora, za najviše 6 (šest) održanih sjednica Odbora, bez obzira na ukupan broj održanih sjednica, po okončanom postupku odlučivanja o dodjeli „Šestoaprilske nagrade Grada Sarajeva” u 2018. godini u Gradskom vijeću i uručjenja “Šestoaprilske nagrade Grada Sarajeva” u 2018. godini dobitnicima.“



Broj: 11-05-2495/18
Datum: 24.04.2018. godine

GRAD SARAJEVO
Mr. Abdulah Skaka, gradonačelnik Grada Sarajeva

Predmet: Očitovanje o aktu Gradske službe za finansije upućenom Gradonačelniku, broj 06-107/18, od 19.04.2018. godine „Predmet: Plaćanje Odbora za Šestoaprilsku nagradu“

Poštovani gradonačeliče Skaka,

zadužili ste me, dana 20.04.2018. godine, sa predmetnim aktom kojim Vas pomoćnica za finansije upoznaje sa "problematikom oko izvršenja plaćanja naknade za učešće u radu Odbora za dodjelu Šestoaprilске nagrade". Dalje slijede navodi u kojima pomoćnica za finansije, čini se prilično neuko, tumači gradske propise, pa između ostalog i akt Administrativne komisije, a za što nije nadležna.

Kao što je poznato, osnivanje i osnovni djelokrug Odbora za dodjelu "Šestoaprilске nagrade Grada Sarajeva" su uređeni članom 11, 12, 13, i 14. Odluke o uslovima i načinu dodjele "Šestoaprilске nagrade Grada Sarajeva" ("Službene novine Kantona Sarajeva", broj 3/17 i 49/17), odnosno Odbor nije stalno radno tijelo Gradskog vijeća, već je, uskladu s članom 37. stav 3. Poslovnika Gradskog vijeća ("Službene novine Kantona Sarajeva", broj 28/09), povremeno radno tijelo, koje ne radi kontinuirano, već se formira za vršenje određenog posla u određenom roku.

S tim u vezi, Gradsko vijeće Grada Sarajeva je donijelo Odluku o obrazovanju Odbora za dodjelu "Šestoaprilске nagrade Grada Sarajeva" u 2018. godini ("Službene novine Kantona Sarajeva", broj 1/18). Zatim je Administrativna komisija Gradskog vijeća, u skladu sa svojim djelokrugom i važećim gradskim propisima, imajući u vidu i ranije donesen Poslovnik o radu Odbora, Dinamiku rada Odbora i Postupak razmatranja prijedloga kandidata za dodjelu Nagrade u 2018. godini, te visinu naknade utvrđenu za rad članova radnih tijela Gradskog vijeća po održanoj sjednici radnog tijela, iz Odluke o platama i naknadama u organima Grada Sarajeva ("Službene novine Kantona Sarajeva", broj 38/17), donijela Odluku o visini novčane naknade članovima Odbora za dodjelu "Šestoaprilске nagrade Grada Sarajeva" u 2018. godini, broj 02/1-GV-02-43-1-1/18 od 15. 12. 2018. godine.



Ovom Odlukom je decidno propisano:

“Novčana nakanda članu Odbora za dodjelu “Šestoaprilske nagrade Grada Sarajeva” u 2018. godini **utvrđuje se u visini** kako je to propisano za člana radnog tijela u Gradskom vijeću, a isplaćuje se **za svaku sjednicu Odbora, za najviše 6 (šest) održanih sjednica Odbora**, bez obzira na ukupan broj održanih sjednica, a **po okončanom postupku odlučivanja** o dodjeli “Šestoaprilske nagrade Grada Sarajeva” u 2018. godini dobitnicima.”

Očigledna je bila namjera Administrativne komisije, jasno iskazana donošenjem odluke, da se naknada isplati za sve sjednice Odbora za dodjelu Nagrade, a najviše šest sjednica koje će se održati u 2018. godini, u skladu s Dinamikom rada Odbora sačinjenom i usvojenom na osnovi Poslovnika o radu Odbora i usvojenog Postupka razmatranja pristiglih prijava, a što znači rad u tok jednog mjeseca, budući da se javni poziv za predlaganje kandidata za dodjelu nagrade zaključuje krajem januara, a Izvještaj o radu Odbora, s utvrđenim prijedlozima za Gradsko vijeće, utvrđuje se krajem marta mjeseca.

Administrativna komisija je pri odlučivanju, imala u vidu da je, usvojenom dinamikom rada Odbora, a prema usvojenom Postupku i Poslovniku o radu Odbora, bilo planirano održavanje ukupno 8 sjednica Odbora, uključujući i konstituirajuću sjednicu održanu u 2017. godini, kao i prisustvo članova Odbora koji nisu gradski vijećnici na sjednici Gradskog vijeća na kojoj se odlučuje o prijedlozima Odbora. Budući da je jedan od termina planiranih dinamikom označen kao rezervni termin, a da je konstituirajuća sjednica održana u 2017. godini, Administrativna komisija se opredijelila za isplatu naknade članovima Odbora za prisustvo na najviše šest sjednica Odbora.

Dakle, mišljenja sam da je isplata naknade za šest sjednica članovima Odbora za dodjelu “Šestoaprilske nagrade Grada Sarajeva” u 2018. godini, nesporna, u skladu s navedenom odlukom Administrativne komisije i evidencijom prisustva članova Odbora na sjednicama.

S poštovanjem,

SEKRETAR GRADSKOG VIJEĆA

Safet Krajišnik


Dostaviti:

- Gradonačelniku
- Predsjedavajućem Gradskog vijeća, na znanje
- Gradskoj službi finansija
- a/a

06-107/18

BOSNA I HERCEGOVINA
Federacija Bosne i Hercegovine
KANTON SARAJEVO
GRAD SARAJEVO



BOSNIA AND HERZEGOVINA
Federation of Bosnia and Herzegovina
CANTON OF SARAJEVO
CITY OF SARAJEVO

Grad Sarajevo
City of Sarajevo


Broj: 06-107/18
Sarajevo, 19.04.2018.godine

Bosna i Hercegovina-Federacija Bosna i Hercegov.

Kanton Sarajevo - GRAD SARAJEVO

GRADSKO VIJEĆE

23-04-2018



GRADONAČELNIK GRADA SARAJEVA
n/z mr. Abdulah Skaka

PREDSJEDAVALJUĆI GRADSKOG VIJEĆA
n/z Igor dr Gavrić

Predmet: Plaćanje Odbora za Šestoaprilsku nagradu

Poštovani,

Želim Vas upoznati sa problematikom oko izvršenja plaćanja naknade za učešće u radu Odbora za dodjelu Šestoaprilске nagrade.

Radi zauzimanja konačnog stava potrebno je da Vas upoznam o sljedećem:

Na snazi je krovna Odluka, Gradskog vijeća Grada Sarajeva iz 2016. Godine, o platama i naknadama u organima Grada Sarajeva, čiji član 13. predviđa plaćanje naknada gradskim vijećnicima i članovima radnih tijela Gradskog vijeća u koje spadaju kolegij i radna tijela Gradskog vijeća.

U međuvremenu na radnom tijelu Administrativnoj komisiji Gradskog vijeća donesena je Odluka, u mjesecu januaru 2018. godine, o visini naknade članovima Odbora za dodjelu „Šestoaprilске nagrade Grada Sarajeva“ u 2018. godini. Član 2. Predviđa da se isplata vrši jednako kao i za članove radnih tijela sukladno Odluci o platama, koja je gore već navedena.

Poslovnik Gradskog vijeća Grada Sarajeva članom 49. Predviđa da sve donesene Odluke Administrativne komisije moraju biti u skladu sa Odlukama Gradskog vijeća.

U tom smislu Gradska Služba finansija je dobila na izvršenje Izvještaj/spisak prisustva na radnom tijelu za ukupno 8 održanih Odbora za Šestoaprilsku nagradu. Sama Odluka Administrativne komisije predviđa isplatu za maksimalno 6 održanih sjednica. Također, Odluka je donesena 15.01.2018. godine, a jedna sjednica Odbora je već održana 27.12.2017. godine i na nju se ne odnosi ova Odluka i na istu ne može biti primjenjena.

Adresa: Hamdije Kreševljakovića 3, 71000 Sarajevo, Bosna i Hercegovina
Tel: +387 33 443 300, +387 33 443 252; Fax: +387 33 208 341
e-mail: grad@sarajevo.ba; web: www.sarajevo.ba



EYOF 2019

Sarajevo & East Sarajevo

Dalje, u mjesecu martu 2018. godine održan je Odbor na kome su bila prisutna ukupno 3 člana od njih 13 imenovanih, što također se može smatrati problematičnim u smislu kvoruma i stvarnog održavanja. U mjesecu januaru nije održana ni jedna sjednica Odbora, dok je u mjesecu februaru održano njih 6.

Kako bi Gradska Služba finansija ispoštovala važeću Odluku Gradskog vijeća jedino je moguće vršiti isplate za dvije sjednice u toku jednog mjeseca maksimalno, pa je tako i postupljeno. U suprotnom smatralo bi se da se krši osnovni propis sa kojim je morao biti usklađen drugi doneseni propis Administrativne komisije.

Kao bi se prevazišao ovaj problem i izvršila isplata sukladno važećim propisima neophodno je da se Odbori sa odgovarajućim prisustvom održe najviše dva puta u jednom mjesecu inače svako drugo zasjedanje u više navrata tog mjeseca neće se moći realizirati u finansijskom smislu.

Ukoliko smatrate da je neophodno promjeniti ili dopuniti Odluku administrativne komisije sigurno za Gradsku službu finansija neće biti sporno, kao ni naknadno zadsjedanje ovog Odbora.

Neophodno je istaći da se ovo radno tijelo ne može smatrati drugačijim radnim tijelom u odnosu na druga radna tijela Gradskog vijeća, iz razloga više, jer ne postoje druge budžetske pozicije za realizaciju finansijskih sredstava po ovom osnovu.

Svako drugo tumačenje i postupanje bit će suprotno postupanju Odluke Gradskog vijeća.

Pomoćnica Gradonačelnika za finansije

Amela Kolovrat, dipl ecc

Dostaviti:

- Naslovima
- a/a



*Administrativna komisija
Gradskog vijeća Grada Sarajeva*

Na osnovu člana 49. stav 1.b Poslovnika Gradskog vijeća Grada Sarajeva („Službene novine Kantona Sarajevo”, broj 28/09), Administrativna komisija Gradskog vijeća Grada Sarajeva, na svojoj sjednici održanoj 15.01.2018. godine, donijela je

**ODLUKU
O VISINI NOVČANE NAKNADE
ČLANOVIMA ODBORA ZA DODJELU
„ŠESTOAPRILSKE NAGRADE GRADA SARAJEVA”
U 2018. GODINI**

Član 1.

Ovom Odlukom utvrđuje se visina i dinamika isplate novčane naknade članovima Odbora za dodjelu „Šestoaprilske nagrade Grada Sarajeva” u 2018. godini.

Član 2.

Novčana naknada članu Odbora za dodjelu „Šestoaprilske nagrade Grada Sarajeva” u 2018. godini utvrđuje se u visini kako je to propisano za člana radnog tijela u Gradskom vijeću, a isplaćuje se za svaku sjednicu Odbora, za najviše 6 (šest) održanih sjednica Odbora, bez obzira na ukupan broj održanih sjednica, po okončanom postupku odlučivanja o dodjeli „Šestoaprilske nagrade Grada Sarajeva” u 2018. godini u Gradskom vijeću i uručenja “Šestoaprilske nagrade Grada Sarajeva” u 2018. godini dobitnicima.

Član 3.

Ova Odluka stupa na snagu danom donošenja.

PREDSJEDAVAJUĆA KOMISIJE

Edina Gabela

Broj: 02/1-GV-02-43-1.1/18
Datum: 15.01.2018. godine

